

Inerisaanermut ataatsimiititaliap Nuummut paasisassarsiorluni angalaneranit  
imaqarniliaq.



Angalaqataasut:

Lena Ravn Davidsen, Niels Davidsen, Ane Qujaukitsoq, Elisabeth Nielsen,  
Akà Grønvold, Rigmor Villadsen.

Pilersaarut:

| Ulloq          | Qassiniit   | Qassinut  | Sumi   | Adresse  | Suna pillugu   | Attaveqaat   |
|----------------|---|---|--|--|--|--|
| 1.<br>november | 08:30<br>10:00<br>12:00<br>13:00                  | 09:45<br>12:00<br>13:00<br>15:00                  | Fritidsafdeling (Sermersooq)<br>Socialstyrelsen<br>Nammineq<br>MIO                               | Imaneq 23<br>Qullilerfik 2, 4. sal<br><br>Qullilerfik 2, 4. sal  | Sunngiffimmi sammisassat<br>Suliniut 3<br>Frokost<br>Pinaveersaartitsineq  | Sequssuna Schmidtd<br>Lillian Kleist<br>Nammineq<br>Rasmine Hansen                                   |
| 2.<br>november | 08:30<br>10:00<br>12:00<br><br>13:00<br>14:30     | 09:45<br>11:00<br>13:00<br><br>14:30<br>15:30     | Illorput + Ajagaq<br>Rådhus mødelokale 2<br>Nammineq<br><br>Musikskole<br>Nunatta katersugasivia | Sorlaat 11<br>Kuussuaq 2<br><br>Farip Aqq. 4<br>Hans Egedesvej 8   | Innuttaasut illuat<br>Juaaka Lyberth naapillugu<br>Frokost<br><br>Nipilersorneq<br>Katersugaasiveqarneq                        | Poul Erik Isaksen<br>Julia Lyngø Ezekiassen<br>Nammineq<br>Pipaluk Lyngø<br>Berthelsen<br>Hans Lange |
| 3.<br>november | 09:00<br>12:00<br><br>13:00<br>15:00<br><br>16:00 | 12:00<br>13:00<br><br>14:20<br>16:00<br><br>17:00 | HHE<br>HHE<br>Ilinniartitaanermut<br>Aqutsisoqarfik<br>Paarisa (Socialstyrelsen)<br><br>NUIF     | Aqqusinersuaq<br>Aqqusinersuaq<br>Kissarneqqortuunnguaq<br>20<br>P.H. Lundsteensvej 2<br>Kissarneqqortuunnguaq<br>21 | Ataatsimiititalia<br>ataatsimiissooq<br>Frokost<br><br>Meeqqat atuarfiat<br>Pinaveersaartitsineq<br><br>Inuusuttut siuarsartut | Aka Grønvold<br>Aka Grønvold<br><br>Kaali Olsen<br>Karo Thomsen<br><br>Gustav Martin Brandt          |
| 4.<br>november | 08:00<br>10:00<br>12:00<br>13:00                  | 09:30<br>12:00<br>13:00<br>15:00                  | Majoriaq<br>Svømmehallen<br>Nammineq<br>GIF  | Jens Kreuzmannip aqq. 7<br>Sarfaarsuit 4<br><br>Issortarfimmud 8   | sammisat.gl<br>Naluttarfeqarneq<br>Frokost<br>GIF  | Carla Villadsen<br>Nammineq<br>Poul Petersen   |

1 november 2022 8.30 – 9.45 Fritidsafd. Sermersooq

Kommuneqarfik Sermersuumi sunngiffimmi sammisassaqartitsinermi immikkoortorta qarfirmi siunnersorti Sequssuna Fleischer Schmidt Kommuneqarfik Sermersuumi innuttaasunut kiisalu peqatigiiffinnut sullissineq saqqummiuppaa.

Tassani Sermersuumi peqatigiiffinnut qarasaasiatigut peqatigiiffinnut innuttaasunullu siammarterisarneq kiisalu attaveqarnikkut sullissinikkullu oqilisaaneq "sammisassat.gl" saqqummiunneqarluni. Tapiisarneq peqatigiiffiup ilaasortaqaassusaa aammalu ineriartortitsissutaa malillugu taperneqartarluni. Peqatigiiffiullu tapiissutit qanoq atussallugu nammineq aalajangertarpaat, aamma angalanermut atugassaallutik.

Avannaata kommuniani "sammisassat.gl" peqataaffigilernikuuarput, taamaammallu Sermersuumitut ineriartortittariaqarlutigu. Peqatigiiffinnut innuttaasunullu paasissutissiivik pitsanngorsarumallugu.

Sermersuumi Meeqqanut inuusuttuaqqanut aammalumi innuttaasunut sutigut tamatigut inuttut ineriartuutaasinnaasumik sunngiffimmi sammisassaqartitsineq ingerlanneqarpoq.

Timersornerinnaangitsimik kulturikkut inuussutissarsiornikkulu sammisat aqqutigalugit ineriartortitsinermik ingerlataqarput.

Sunngiffimmi sammisassat sept. – april ilanngullugu (ilaanni sivisunerulaarsinnaasumik) ingerlasarput. Sorpassuusinnaallutik. Ilaatigut aamma soorlu angallatinik angallassisinnaanermut pikkorissarnerit, allallu

inuussutissarsiornermut tunngasinnaasut suliffieqarfeeqqamilluunniit ingerlatsisinnaanermik siunertaqarsinnaasumik ingerlatsisoqartarpoq.

Sammissassat sumiiffimmi periarfissat, ingerlatsisinnaasullu aallaavigalugit pilersinneqartarlutik.

Aasaanerani skoleferie arrangement ataqatigiissakkamik ingerlanneqartarput. Meeqqat susassaqartinneqarnissaat pinaveersaartitsinerlu anguniarlugu.

Speed Adm. Atorlugu sullissineq ingerlanneqarpoq.

Kommuneqarfik Sermersuumi ivingaasaaqqanik arsaaffiit immikkut sulisoqartinneqarput, nakkutigineqarneri aammalu aserfallatsaalinermik isumaginnittut. Nuummi sisorartarfinnik suliaqartut aasaanerani arsaaffileritinneqartarput. Aasakkut sisorarfiit uninnganerini.

Fritidsafdelingimi konsulent 3-ut sulisuupput. Immikkut pisortaqarlutik.



1 November 2022 nal. 10.00 – 12.00 Inunnik isumaginninnermi aqutsisoqarfik.

Inunnik isumaginninnermik aqutsiveqarfimmi “suliniut 3 “ killiffia saqqummiunneqarpoq.

Suliniut 3 tassaavoq Danmark aamma Nunatta inunnik isumaginninnermi kivitsinissaanut ikiorsiissutip ilaatut suliaasoq. 2018-mi suliniut atsioqatigiinnikkut aallartissimasoq Martha Abelsenikkunnik.

1995-mi inuusumasuniik aallartillutik inuit atugaannik misissuinnermik tunuliaquteqarluni suliaq ingerlavoq.

Misissuinnermimi paasinarsisimavoq 1995-mi inuusimasuniik peroriartorsimasut 3/10 persuttaaffiusuni peroriartortoqarsimasoq.

2/10 aanngajaarniutinik atuisoqarfimmi peroriartorsimasut

2/10 Kinguaassiutitigut atornerlunneqarsimallutik peroriartorsimasut.

Taamaattumi meeqqat atugaat imaannangitsut pissutigalugit siusinaatumik malussarniartariaqarneq, siusinaartumillu ilaqutariinniik ilorraap tungaanut ingerlanissaannut aqqutissiuussineq ingerlasariaqartoq.

Taamaamat meeraaqqerivinni aamma meeqqerivinni sulisut malussarniarsinnaanissaannut pikkorissaanerit ingerlanneqarput, aamma Avannaata kommunniani.

Naapinnitsinni Nunaqarfippassuaqaratta nunaqarfinilu unamminartutut isigisagut qaqippagut soorlu inuiaqatigiinnguani mikisuni qisuariarsimanermi immikkoortitaalersinnaasarneq (isoleret fra familie eller andre beboere). Tamakkulu annilaangassutaallutik qisuariarniarneq qunugineqarsinnaasartoq. Tamannalu pikkorissaanermi iserfigineqartariaqartoq.

Minnerunngitsumik meeqqeriviit siusinnerujussuarmi MISI aqutigalugu innersuussinerit ingerlanneqartariaqartut oqariartuutigarpud. Maanna MISI-ip suliai meeqqat atuarfianeerpallaarnerat kingusippallaatut isikkoqarmat.

1 november 2022 nal. 13.00 – 15.00 Nunatta katersungaasivia.

Ulloq taanna pulaarffiit naggaserlugit Nunatta katersugaasivia pulaarneqarpoq. Tassani Itsarnisarsiooq Hans Lange angallassisoralugu takornariartinneqarpugut.

Nunatta oqaluttuarisaanernut tunngassuteqartut ilisimasassatulli pingaarutilerujussuit paasisaqarfigaagut. Pinaveersaartitsinermut politikikkikullu innuttaasunik sullissinermut atorluarsinnaasatsinnik. Aammalu Avannaata kommuniani katersugaasiveqarnermut aqutsineq, illutoqqanik aserfallatsaaliineq, sulisoqarneq assigisaallu suleqatigiiffiusinnaasut eqqartorneqarput.

Pissanganartumik nunatsinni illoqatigiiaattarsimaneq, angerlarsimaffiillu ineriartorsimaneri oqaluttuarineqarput. Ilaatigut kinguaassiutinik killissamik qaangiisarneq aammalu pinerluuteqartunut kinguneqartitsisalerneq aqqissuussaana 1948-mi misissusimaneq kingunerisaanik pineqaatissimeeriaatsimik eqqussineq oqaluttuarineqarluni. Kommunitisinni inissaaleqinerujussuup kingunerisaanik kinguaassiutinik killissamik qaangiisarneq annertuvoq, ukiorpassuarni kinguaariinniik kinguaariinnut ingerlatitsisarnerup kinguneri. Illoqutigiit amerlavallaarneranik kingunipiluutaasutut oqaatigineqarsinaasut.

Atuagaq “Den juridiske ekspedition” innersuunneqarpoq.

Katersugaasiviit amerlanerit Illutoqqani eriagisaniimmata, aammalu taakku aserfallakkiartortut arlaqarmata qanimut suleqatigiinnermik assammik isaassipput. Aningaasaliisinnaasunik ilisimasaqaramik.





2 november 2022 nal. 8.30 – 9.45 Illorput + Ajagaq

Paasisassarsiorfiup aappaani Nuummi innuttaasut illuat Illorput paasisassarsiorfigaarput. Tassani Poul Erik Isaksen Illorpumi aqutsisuusoq takornariartitsisoralugu.

Illorput ullaakkumiik unnukkumut ammasarpoq. 8.00 – 16.00 aaliangersimasumik 3-nik sulisoqarluni. Pisortaq, tullia eqqiaasorlu. 16.00 kingorna attuisut namminneq matuersaateqarlutik Illorput atortarpaat. Atuikulasut superbrugerinnngortinneqartarsimallutik.

Illorput innuttaasumik sorpassuarnik inerititsivittut atornerarpoq. Soorlu marriortartut marriorfigisarpaat, assassortarput, Linedans, Utoqqaat kateriffiat, Meeraaqat angajoqqaallu naapiffiat, kalaallisuuuliorneq, qasukkarsarneq tasitsarneq. Ualikkut meeqqat soraareernerini aamma marriortitsisoqartarpoq.

Weekendini innutaasut ullorsiorfittut aamma festerfittut attartorsinnaasarpaat, igafferujussuaqarlunilu inersuaqarmat.

Piffiit ilaanni aamma assassornikkut pikkorissaasoqarsinnaasarpog, soorlu savaateqarfinniik savap meqqunik eqititsinermik pikkorissartitsinerit ingerlanneqarsinnaasartut.

2 november 2022 nal. 10.00 – 11.00 Juaaka Lyberth Kommuneqarfik Sermersuumi Ataatsimiititaliami uatsinnut assigusumi siulittaasoq ataatsimeeqatigineqarpoq.

Ataatsimiititaliami sanaartortitsisarneq pillugu nassuiaavoq, kiisalu sektorplaniliortarneq aamma eqaartorlugu. Taakku bilagitut ilanngutissavakka.

2 november 2022 nal. 13.00 – 14.30 Nipilersornermik ilinniarfik

Ulloq naggaserlugu Nuummittoq “Sermersuumi nipilersornermik ilinniarfik” pulaarparput, paasisassarsiorluta. Tassani Nipilersornermik ilinniarfiup pisortaata Piapluk Lynge Berthelsenip tikilluaqqaatigut ingerlariaatsimilli saqqummiivigaluta.

Sermersuumik nipilersornermik ilinniarfik Nuummi, Paamiuni, Tasiilamilu ingerlanneqarpoq. Illoqarfiit piginnaasaat aammalu ingerlakkumasaat aallaavigalugit.

Nuummili qaffasissumik ingerlariaaseqartut malunnarpoq. Meeqqallu amerlasoorpassuit atuarfimmiik soraaraangamik nipilersornermik ilinniarfiliartarput. Sivitsortumik meeqqat 150-it missaani utaqquisuutigigaat nipilersornermik ilinnialerusuttut. Ilinniartitsisut ukiut aallartinnerani ingerlareersut unittussaannigitsut ingerlaqqinnissaannut innersuussisuusarput.

Nipilersornermik ilinniarfiup ukiumut Sermeq puljemut qinnuteqartarput, aqqissuussassanut assigiinngitsunut aningaasanik qinnuteqarlutik. Sermeq pulje kommuneqarfik Sermersuumi fonduvoq qinnuteqarfiusinnaasoq ukiumut marloriarluni.

Nuutini atuisinnaaneq, nipilersuutiniq nipilersorsinnaaneq, erinaroneq, akuttoqatigiiaarisinnaaneq (takt og tone) ilinniakkanut ilaapput. Ilaatigut ilinniartut ilaat qaffasissorujussuarmik ingerlatsisalereerput.

Coronap nalaani atulersimasap ilagivaa Ipad (teams) atorlugu alimasissumik nipilersornermik ilinniartitsineq.  
Tamanna ingerlalluarpoq.

Nipilersornermik ilinniarfik atuarfinnut aamma meeqqerivinnut ilinniartitsiartortarput. Tassanilu aamma meeqqat nipilersornermik ilinnialerusuttut amerlasuut “nassaarineqartarlutik”

Soqutiginarlut ilagigaat containeri nipilersortarfiusoq. Nipilersornermik sungiusarfissatut naleqqussarlugu sanaaq.  
Taanna 1.2 mio missaani akeqarpoq assullu soqutiginarluni.





3 november 2022 nal. 9.00 – 11.00 Inerisaanermut ataatsimiititaliap naapilluni ataatsimiinnera.

Ineriartortitsinermut ataatsimiititaliaq Nuummi Hotel Hans Egede Ataatsimiittarfiisa ilaanni naapilluni ataatsimiinnera ingerlanneqarpoq.

4 november 2022 nal. 11.00 – 12.00 MIO-mik naapitsineq.

MIO-p ataatsimeeqatiginerani MIO-p suliaa kingulleq "Qamani" Avannaata kommuniani annertuumik suleqataaffigineqartoq eqqartorneqarpoq. MIO-miik annertuumik Avannaata kommuniata suliniutinut suleqataalluarternera assut nuannaarutigineqarpoq.

Aviaja Lynge aamma Rasmine Hansen saqqummiisuupput, oqaloqatigiinnermilu Killiliisarneq pillugu MIO Avannata kommuniani suleqatigiiffeqarsinnaasut suliniummillu aallatitaqarsinnaasut isumaqatigiissuteqarpugut. Perorsaanermi Killiliinissaq, angajoqqaatullu akisussaaffeqarluni perorsaanissaq tassani anguniagaalluni.

Killissamik qaangiisarnermik pinaveersaartitsinissaq siunniunneqarluni.





3 november 2022 nal. 13.00 – 14.20 Ilinniartitaanermut aqutsisoqarfik

Ilinniartitaanermut aqutsisoqarfimmi Kaali Olsen saqqummiisoralugu paasisassarsiorpugut. Meeqqat atuarfiini siunertat ingerlatsivimmilu inatsisitigut pituttukkanik suliaqartarneq sammineqarluni.

Atuarfitsialaap nalilersoreqarnissaa, kiisalu aamma assasorissatigut pikkoriffillit annerusumik aqutissiuunneqarnisaat eqqartorpagut. Aammali meeqqat 15-niinnarnik ukioqarlutik meeqqat atuarfianik naammassisarneq, inuttut suli piareersimanatik. Piareersimannginnerup kingunerisaraa ilinniakkamik aallartitsinngitsoortarneq. Tassami amerlasuut illoqarfitsik angajoqqaatillu ukiukippallaarlutik qimattaramikkit.

Nalilersueqqinnermi 11 klasse eqquteqqinneqarsinnaanersoq eqqartussallugu soqutiginarpoq.

Ilanngullugu Uummannami atuartut angerlarsimaffiat tassaarsuaqarnissaanut killerup iluaniittoq qanoq pineqassasnersoq speqputigineqarpoq, pisortaqtigiit suliaq ingerltissavaat.

3 november 2022 nal. 15.00 – 16.00 Paarisa

Paarismut pulaarnermi pitsaaiuineramik suliat annermik eqqartorpagut ingammik imminut toquttarnermut pitsaaliuinissaq. Qimangaasut / qanigisaasullu ersarissumik ikiorsiiffiginissaat. Ilaquttat kisimik sullinneqaratik ikinngutit aamma qanigisaasuusarmata eqqumaffigineqassasut. Ilaatigut taakku erloqinerpaanngorsinnaasarmata.





### 3. november 2022 nal. 16.00 – 17.00 NUIF

NUIF Nuummi inuusuttut siuarsarfiat maanna kommunimit ingerlanneqartoq ulloq naggaserlugu pulaarneqarput.

Meeqqat anginerusut kiisalu inuusuttut tassani susassaqartinneqarlutik sullinneqartarput. Meeqqat atuareernermiik unnukkut 19.00 taakaniissinnaallutik. 19.00 matunissaanut inuusuttut sullinneqarlutik.

Nuiffimi sullitat assigiinngitsutigut siuarsarneqartarput. Nipilersornikkut, saqqummersinnaanikkut assassornikkullu. Minnerunngitsumik E-sport aamma ingerlanneqarluni angajullernut spillillu nukarlernut.

Sulisorpaalussumput aalaakkaasumik ualikkut unnukkullu sullissisut. Meeqqat pisariaqartitaat naapertorlugu ineriartortinneqarput. Siunissami aamma tarnip pissusaanik ilisimasalimmik suleqateqarnissaq pilersaarutaavoq. Meeqqat inuusuttullu pisariaqartitsisut ornillugi sulisarsinnaasumik (Opsøgende).

### 4. november 2022 nal. 8.00 – 9.30 MAJORIAQ

Nuummi Majoriaq paasisassarsiorfigineqarpoq pingaarnertut "Sammissassat.gl" paasisassarsiorfigineqarluni.

IPAD aamma qarasaasiaq atorlugu qaffasissumik inuusuttullu maanna ineriartorsimanerat tassuuna atorluarlugu atuartitseriaaseq alutornarlunilu torrallataq oqaluttuarineqartoq.

TAssunga ilanngullugu innarluutillit soorli ADHD aamma Autisme innarluutillit naleqqussakkimik piginnaangorsaaneq assessorissatogullu piginnaangorsaaneq ingerlanneqarpoq.

Piginnaangorsaaneq ineriartortitsinerlu taamaattoq assut soqutiginarpoq. Taassuminngalu ingerlatsisoq suleqatigisinnaalluta oqariartuuteqarpoq.





4 november 2022 nal. 10.00 – 12.00 Naluttarfik MALIK

Naluttarfimmik ingerlatsineq aamma drift paasisassarsiorfigaarput. Naluttarfiliorniarnermi eqqumaffissat pingaarutillit paasisutissiissutigineqarpoq.

Naluttarfiup inissisimaffigisassaani sipaarutaasinnaasut pingaaruteqartut, soorlu Nuummi naluttarfik puilasooq toqqavigivaa, taamaalilluni puilasumiik imilersorneqarpoq.

Sulisoqarnermi isumannaallisaanermilu pikkorissarsimaneq ilinniarsimanerlu pingaaruteqarpoq. Isumannaallisaaneq, akuutissallu salinneranut tunngasut pungaaruteqarmata.

Naluttarfiup sanannerani atortut suut atorlugu sanansinanissaa aatsaat massakkut ukiuni kingullerni ilisimanqalerpoq. Nunatsinni erngup "nukittunera" tassa fuget allallu mangiartarmagit aserfallatsillugit.

Atuinermi kiosk annermik isertitsisuusarpoq, ingammik fransk hotdogsit.







4. november 2022 nal. 13.00 – 15.00 Kalaallit Nunaanni timersoqatigiiffiit kattuffiat.

Timersoqatigiiffiit kattuffianni pulaarsimanermi timersornikkut aammalu Timersoqatigiiffiit kattuffiata 2030-mi nunarsuarmi aalatitsinerpaatut inissisimanissaq anguniarlugu suleqatigiiffiusinnaasunik eqqartueqatigiippugut. Ilaatigut oqaloqatigiissutaareersut nanginnqarlutik, soorlu avitseqatigiilluni Idræts konsulentimik atorfeqartitsisinnaaneq.

Tapeeriaatsit, aammali nunatsinni timersornikkut atugassaritinnegartut, haalit assigisaalu eqqartorneqarput.

Avannaata kommuniani angallannikkut sukaterinerup aporfigisinnaasai, tassalu avannaani imaatigut angallannikkut periarfissalunnera. Ilaasortanik nalunaarsuisariaaseq. Nammineq kajumissutsimik sulinerup nalittorsarnissaa innarlerneqannginnissaalu.



